

hinfort kein Fewr noch Elementischer gewalt widerumben scheiden können/ vnd werden also ewig beyammen bleiben.

Wann nuhn der acht vnd vierzigst tag fürüber ist/ so nimb den Viol/ mit vnserem Berck auß/ vnd brich das Glas vnnnd samble den rothen gebenedeyten Stein in ein besonders Gefäßlein/ wol verwahrt/ alsdann hastu diser Welt Schatz vñ Reichthum/ vergessest dz lob vñ die benedeyung Gottes nit/ vñ preisen seinen Namen.

### Von Proiection vnserer Medicin.

**E**s ist nit der geringsten eins/ die Proiection zuthun/ der Medicin auff die Metallen/ wenn sie rauch vñ vnrein sind/ bringt es dem Berckmeister grossen schaden/ auß der vrsachen/ daß die Medicin in den vnreinen Schlacken zum theil hangen bleibt/ vnd das reine theil des Metals nit berührt.

Derhalben achte ich billich an dem Orth kleinen vnderrichte davon zumachen/ auff daß man nicht die Edle Medicin also zu nicht bring/ vnd vnnütz mit dem Schlacken hinweg schütte/ dann das solt ihr wissen/ daß alle Corpora der imperfecten Metallen so vnrein sind/ daß auch schwerlichen etliche den dritten theil/ als  $\text{Z}$ / etlich den halben theil/ als  $\text{Q}$ / etlich den dritten theil/ als  $\text{H}$  vnd  $\text{4}$  behalten/ das ander ist nichts dann ein Schaum vnnnd Schlacken/ welche die Medicin auß dē Metallē heraus würfft/ vñ danō scheidt.

Es haben wol etliche fürgeben/ aber fälschlich vnnnd auß einem erdichten Grund/ daß man die Metallen tingieren möchte/ durch die Oel/ vnnnd Wasser der Metallen/ oder der Tincturen/ daß sie gleich ganz bleiben. Etliche dann legen mehr hinzu/ vnd sagen/ sie bleiben auch geschmeidig/ als mir dann eins mals begegnet von einem Eugner/ der sagte wie er hette einen Silbern Groschen/ der were ganz vnnnd gar zu einem reinen vnd geschmiedigen Gold ohn verletzung seines Körpers transmuthiert. Da ich ihm aber sagte/ daß es nicht wol wahr seyn köndte/ were auch wider die Natur vnd ihr Wesen/ wolt er vber mich schnarcken. Als es aber solte zu dem beweisen kommen/ war es alles nichts.

Derhalben solt ihr getrewen Nachforscher dieser geheimnuß/ wissen/ daß wann die Medicin der Oelen/ auff ein vnuollkommenen  
Leich<sup>z</sup>